



壻誣告妻父給毒約謀害其姑奉 旨改發爲

奴女聽夫誣証其父擬絞監候

刑部奏據步軍統領衙門奏領催韋默保呈控伊妻  
父湯作新囑令伊女收藏毒藥給伊姑服食解救未  
死一案臣等查此案先准步軍統領衙門將湯作新  
等咨送到部因事關逆倫重案當卽選派司員督同  
提齊兩造應訊人等正在審辦間兩次欽奉

諭旨仰蒙

聖明指示令臣等悉心研鞫務得實情臣等續將案

馬氏集卷一三  
馱保起意誣捏湯作新給葯毒害伊母及抑勒伊妻  
湯氏隨同証証情節詳晰奏

聞後復率同派檢司員逐一詳加嚴鞫緣韋馱保係正  
藍旗蒙古富康佐領下領催乾隆四十九年八月娶  
民人湯作新之女湯氏爲妻素相和睦湯作新家道  
貧窮素好飲酒自伊女湯氏過門之後常至韋馱保  
家索酒吃飯醉後卽行噪鬧上年十二月二十日湯  
作新又至韋馱保家中哭鬧韋馱保之父諾爾布等  
出言抱怨湯氏因翁姑厭惡伊父當卽勸令回歸致

被湯作新拳毆韋馱保生氣將湯作新推出門外聲

被湯作新拳毆韋馱保生氣將湯作新推出門外聲  
言以後斷絕親戚不必再上伊門湯作新忿怒而回  
湯氏素有胃疼病症韋馱保曾請劉姓醫治湯作新  
以韋馱保請醫診病並不向其商量面加村斥二月  
十七日湯氏胃痛復發韋馱保恐不告知妻父延醫  
必至又遭斥辱遂于十八十九等日往伊妻父家連  
次找尋湯作新因病未與見面韋馱保心懷忿怒于  
二十四傍晚又往湯作新家找尋因門關閉呼  
喚不答遂踰門進內彼時湯作新先已外出家中止

有幼小子女韋馱保疑其躲避故意刁難遂行噪嚷  
經伊表弟凌三路過聽聞將韋馱保勸回湯作新回  
家聞知韋馱保踹門吵鬧並不知爲伊女患病商醫  
情由遂于二十五日在東城吏目衙門喊告二十六  
日該坊出票傳喚韋馱保匿不到案自知情虛恐到  
官被押必致革退錢糧起意捏詞誣告抵賴因踹門  
噪鬧事在二月二十四日而屢次找尋湯作新係在  
二月十七日之後思欲在十七日以前捏出重情以  
爲連日找尋湯作新踹門吵鬧之故墮砸煤末一包

順取伊弟金剛保桌上字紙包好捏作湯作折伊  
妻毒藥伊妻于十五日調酒與伊姑服食經救得生  
各情節希圖到官可以抵節因不能寫作呈詞旋于  
二十七日邀素識之算命人陳世爵到家將湯作新  
給伊妻毒藥謀害伊母經救得生等情告知免其代  
書陳世爵信以爲實代爲繕寫而去此經湯氏聽聞  
至晚向韋馱保盤問韋馱保始將情由告知並囑湯  
氏到官質証湯氏不肯應允韋馱保生氣聲言若不  
隨同質証將來必至伊到官受罪革退錢糧斷不要

湯氏爲妻湯氏不答韋馱保亦未再言彼時伊父諾爾布該班外出次日韋馱保又向伊母告知並求伊母轉告伊父干到官時一體執証旣可抵賴伊妻父控告吵鬧之事又可免革錢糧卽于二十九日赴步軍統領衙門控告經步軍統領衙門傳訊時伊母張氏將韋馱保之言告知諾爾布諾爾布愛子情切遂照依伊子之言與張氏湯氏質証等情奏送到部當卽提訊韋馱保及伊父諾爾布伊母張氏俱供湯作新給葯毒害張氏屬實湯氏亦隨同直証不諱查湯

作新如果止令湯氏毒死伊姑則伊夫及伊夫之父  
尙在斷不肯干休干事仍屬無益且接湯氏夫婦歸  
伊家轉養贍之人種種情節殊不可解復加推鞠始  
據湯氏供稱實係伊夫與伊父素有嫌怨捏此情節  
希圖報復俱早在

聖明燭照之中令逐一質訊俱各供認前情不諱臣等以  
章馱保誣控湯作新之處雖據章馱保洪認係伊一  
人起意湯氏實不預謀但湯作新究係湯氏之父如  
果並未商謀到官時何肯扶同執証誠如



聖諭父子天性湯氏卽聽伊夫之言亦何至忍心竟陷伊父以謀害人命重罪反覆詰訊據湯氏供我初到案時本因公婆疼我男人也同我和好原說照我男人供認不過斷我父親不至堂上吵鬧又可保全我男人錢糧且婆婆服毒後卽經救治不致于死想來父親也沒甚大事又因我男人氣性不好若不隨同証說男人輸了官司他必不留我在家裡一時糊塗沒有主意後來到官時因我男人先已供出就隨他証証的我如今纔知道我男人告我父親的事我婆婆

就不毒死我父親也是有重罪的我只得把實情供出我是父親親生的女兒豈有忍心商同男人誣陷我父親的事實係被我男人逼令出于無奈現有我男人可訊等語復質訊韋馱保堅稱實係一人起意逼令伊妻湯氏作証伊父母亦遂聽從其言隨同供說並非事前商同伊妻及伊父母設計証賴亦無別人商謀情事再三究詰加以刑嚇矢口不移似無遁飾查律載子孫告父母但誣者絞告妻之父母若誣告罪重于犯本罪者止依凡人誣告罪又誣告人

死罪未決者杖一百流二千里加徒役三年又謀殺  
人傷而未死絞監候各等語此案湯氏于本夫韋馱  
保誣告伊父湯作新之時先未知情商謀實係被夫  
抑勒聽從質証雖與子孫自行誣告父母者有間但  
既伊夫係屬誣告乃于到官時不卽吐實干名犯義  
倫紀攸關未便因其旋經據實供明稍爲寬貸湯氏  
應卽照子孫誣告父母但凡誣卽絞律擬絞立決韋  
馱保呈控湯作新將毒藥給與伊妻毒害伊母一節  
如所告得實湯作新罪應絞候今訊屬誣捏應依誣

告人死罪未決律杖一百流三千里加徒役三年係  
斫人應折枷鞭責但湯作新係韋馱保外姻總麻尊  
長乃因口角微嫌輒起意誣以謀命重情陷伊妻于  
纒首若僅照例折枷殊屬寬縱韋馱保應從重發往  
伊犁充當官差諾爾布張氏于伊子捏情誣告事前  
雖未商謀但到官時隨同誣供俱屬不合均應照不  
應重律杖八十分別鞭責收贖被誣之湯作新與訊  
不知誣捏代爲寫呈之陳世爵等均免置議謹 奏  
乾隆五十一年四月十一日奉

旨此案湯氏誣証伊父湯作新給與毒藥謀害伊姑張氏  
雖係伊翁姑丈夫勒令允從但以子女誣告其父以  
死罪事關倫紀未便以迫于抑勒竟從寬減湯氏着  
改爲應絞監候秋後處決至韋馱保因口角微嫌輒  
誣湯作新以謀命重情又逼勒伊妻執証致陷湯氏  
以逆倫死罪情殊可惡僅擬發伊犁充當苦差不足  
蔽辜韋馱保着削去旂籍發往伊犁給厄魯特爲奴  
餘依議欽此

誣扳良民被差訛詐氣忿身死誣扳之賊比照  
誣告致死絞候差役比照蠹役詐贓斃命絞候  
刑部奏烏魯木齊都統尙 奏迪化州衙役李生貴  
等緝獲偷馬賊犯趙奇奉因趙奇奉捏供民人徐党  
曾買賊馬遂拘獲徐党拷問得受錢文馬匹釋放詎  
徐党受辱不甘身死將趙奇奉等審擬治罪一案奉  
硃批該部議奏欽此查戶民張乃益被竊馬七匹呈報該  
州圖桑阿派役誣訪旋經張乃益認明舖民年三之  
棗騮馬一匹卽係被竊之馬經該州提訊年三據供

買自民人趙奇奉有民人林起鳳作保該州衙役李  
生貴訪知林起鳳在呼圖壁地方遂携同衙役王福  
雇工胡天才前往尋獲林起鳳令其作眼復將趙奇  
奉緝獲乃趙奇奉因無質証不肯吐露實情誣以伊  
賣給年三之馬係納梅元賠還之馬捏供民人徐党  
曾買賊馬一匹該役李生貴遂卽拘獲問其買馬緣  
由徐党自謂理直並未犯法出言不遜李生貴卽喝  
令王福胡天才上銬而徐党益肆詈罵經雇工胡天  
才掌擊其上頰一下李生貴等遂上手銬究問徐党

喊叫說我買馬匹有稅票可証並非賊馬復經鄰右  
徐大見而解勸令徐党出錢八百文並馬一匹免其  
釋放而李生貴等卽收受馬匹錢文將徐党釋放乃  
徐党回家追意無故受辱且被詐去馬匹錢文氣忿  
莫釋至次日晚身死此衙役李生貴誤信竊犯趙奇  
奉拖累民人徐党致死之實情也正在審訊間經庫  
爾喀喇烏蘇領隊大臣佟福保將竊馬賊犯納梅元  
解送來城審訊納梅元供認張乃益之馬七匹係伊  
同趙奇奉夥竊令其兩相對質趙奇奉始將夥同行



竊並誣扳徐竟緣由供認不諱復加嚴訊無異除納  
梅元一犯現又夥同進把偷竊馬匹俟審訊明確另  
案辦理外將趙奇奉李生貴均係例擬絞監候工福  
胡天才俱發遣伊犁爲奴等因具奏前來查例載  
誣告人因而致死被誣之人委係平人及因拷禁身  
死者擬絞監候又蠹役詐賍逼斃人命不論賍數多  
寡擬絞監候又威力主使人毆打以主使之人爲首  
下手之人爲從各等語此案賊犯趙奇奉夥同納梅  
元行竊張乃益馬匹被獲輒敢誣指民人徐党曾買

賊馬以致州役李生貴等將徐党拘獲鎖銬堂責索  
取徐党馬匹錢文徐党因無故受辱被詐氣忿身死  
是徐党之死實因趙奇奉誣扳所致趙奇奉應如該  
都統所奏比照誣告人因而致死律擬絞監候衙役  
李生貴誤聽趙奇奉誣指之詞將徐党拘獲但徐党  
所買之馬係有稅票可証始而加刑拷問繼復收受  
馬匹錢文始行釋放致徐党回家後越日身死情殊  
可惡查胡天才等將徐党上銬拷打係聽從李生貴  
主使應照律以主使之人爲首李生貴亦應如該都

統所奏比照蠹役詐贓致斃人命不論贓數多寡擬絞監候例擬絞監候均秋後處決趙奇奉以竊匪而誣扳良民李生貴藉差嚇詐逼斃人命且事犯新疆地方自未便拘泥一命一抵之例稍爲軒輊應由臣部存記將該犯俱入干本年秋審情實辦理該都統奏稱壯役玉福胡天才係爲從之犯應于李生貴絞罪上減一等發往伊犁給兵爲奴保買馬匹之林起鳳照例折責發落衙役所得錢文馬匹已追給徐党之子收領等語應如該都統所奏完結至賊犯納梅

元同進把偷竊馬匹之案現據該都統審擬絞決具  
奏奉

旨知道了欽此在案應毋庸議再該都統 奏稱迪化州  
知州圖桑阿雖非縱役殃民差捕原屬有因但失察  
之咎實所難辭相應請

旨將圖桑阿交部議處等語應俟

命下之日移咨吏部照例查議乾隆五十四年二月初四  
日奉

旨依議欽此



挾嫌捏情赴京誣告本犯照原犯絞罪請旨

正法從犯及作狀人爲奴充軍

刑部奏軍機處交出雲督富等奏鎮雄州民黃相武赴京妄控州役劉國相等焚燒房屋抄搶銀穀妻女究出該犯姦占良民妻女項氏爲妻婢等情審擬治罪一摺欽奉

硃批三法司核擬速奏欽此臣等會議得雲督富等

奏稱竊照雲南鎮雄州民黃相武卽馮小楚等在京控告本州差役劉國相等焚燒房屋抄搶銀穀畜物

及其妻女等情一案經都察院衙門 奏奉

諭旨飭交臣等親往查勘秉公確審定擬值臣富 前往  
東昭一帶校閱營伍卽順赴鎮雄黃相武居住之馬  
房林地方勘明原有草房仍係伊妻項氏攜帶幼女  
居住並無焚燒形跡及被搶牲畜銀穀其列名同控  
之文殿元王應訓晉忠涵各家亦無抄搶之事所控  
被焚草房另在八旺寨係黃相武新蓋歛錢之所因  
黃相武逃匿州差將其草房三間拆毀焚燒查驗實  
有焚燒形迹當將大概情形附摺 奏明奉到

殊批總以公正爲要不必廻護亦不可姑息欽此

聖訓諄諄臣等忝任封圻受

恩深重如該管知州果有縱役擾民何肯爲此等劣員意  
存袒護亦斷不敢縱惡長奸滋累良善惟有恪遵

諭旨秉公審辦期無枉縱以副

皇上明允協中之至意查案內指告州差鄉約及稟首黃  
相武飲錢之黃登科等同應質人証先經臣富 在  
彼按名提齊并將查獲代黃相武做呈之駱元慶及  
被黃相武用強姦占爲妻之項氏強奪爲婢之楊二



妹等一同押解到省嗣于十二月初十日奉

旨特派兵部主事富倫刑部主事羅山將原告黃相武文  
殿元王應訓晉忠涵及隨同赴京之秦在顯黃在相  
一併管解到滇提同犯証研訊復究出黃相武干派  
欽村衆錢文食物之外尙有強佔土目隴繩祖山地  
不交契價之事黃相武自認干赴京時將契交王應  
訓之母張氏收存所有原契及業主中保均應提省  
質審歸案辦理臣等當卽飛飭鎮雄州提解去後茲  
于本年正月初六日據該州將業主隴繩祖中保文

之權同原卷一并差解到省臣等隨率同藩司李

臬司賀 及該管道府并委員雲南府蔣繼勳東川  
府蕭文言永昌府陳孝升提集犯証連日隔別研究  
臣等細核原控情事重在焚燒抄搶及勒索牌頭銀  
兩各款隨將所控差約等逐一嚴審據州差劉國相  
等僉稱本州各鄉向係鄉約雇人巡更防查盜賊每  
月各家出錢數十文交鄉約承管爲飯食燈油之費  
原係各人情願並不擾累乾隆五十三年春間黃相  
武在馬房林等處自行硬充牌頭派人經管不容鄉

約經手并于八旺寨地方蓋草房三間豎立木桿借  
緝賊爲名勒索派村衆錢文每月每家收錢四五十文  
至百餘文不等經鄉約黃登科報明于去年閏五月  
十七日蒙差我等前往查拿因黃相武逃避未獲恐  
其復聚滋事當將所蓋歛錢草房三間燒毀其草房  
內原有些食物并有零星瓦木器具一時未及取出  
遂一并燒毀至黃相武住居之馬房林將伊妻解州  
稟官追問踪跡後卽釋回至文殿元晉忠涵住房並  
不在八旺寨地方卽王應訓家相隔亦遠並無與黃

相武同院居住何能抄搶他們的銀穀牲畜什物詰

相武同院居住何能抄搶他們的銀穀牲畜什物詰訊鄉約黃登科等九名俱極口呼冤並無向各牌頭勒索銀兩係黃相武等挾首報往拿之嫌誣扳拖累等語質之詞証李發蘭及幫同黃相武飲錢之劉鳳亦稱實無抄搶情事臣等隨提黃相武等質審該犯初猶狡辯及聞臣富前曾親往勘明神色頓異伏地叩頭只求開恩始據將借名防賊立團本爲歛錢漁利及挾差約首報緝拿之嫌捏造焚搶勒索重情赴京控告希圖拖累報復之處和盤托出則其所控

情詞盡屬子虛已屬確鑿詰其派飲村衆錢文食物及勒買山地不給價值悉俱供認不諱至於項氏原籍四川隨其父母至鎮雄州覓佃路過馬房林被該犯用言恐嚇將項氏強奪至家勒逼爲妻又有楊二妹隨其堂伯堂兄從四川原籍來鎮雄覓主售賣亦被該犯恐嚇奪取爲婢是其用強佔奪亦無疑義再查黃相武原詞內有州差劉國相等未奉票差將伊鎖拿經衆老人呈訴出示曉諭安民一節如果屬實則劉國相等之藉差滋擾該州並不查辦均于

力令亦爲案中重要情節復向黃相武究詰據稱禁止

功令亦爲案中緊要情節復向黃相武究詰據稱禁止  
差役無票私拿本州曾出過告示禁止衙役不許私  
自下鄉原不爲此次拿我出示我因前次被差拿獲  
在保正家脫鍊逃走無可掩飾遂捏爲劉國相等無  
票私拿將本州從前出禁告示牽扯入呈不過形容  
差役滋事冀圖聳聽是所控差役私拿亦屬虛誣臣  
等以該犯等遠道赴京控告自必另有受累不甘情  
節並恐此外尙有不法別情再三究詰據稱起初原  
要到省遞呈因賂元慶說歛錢立團本省上司早已

行文查禁怕不能准叫我到京控告我想若到京告  
准自然都要提到京裡審問更好拖累所以約同文  
殿元們赴京我所告謊狀已蒙案下先往勘明現在  
衆人逐一質証實是無可再辯若果有受累委屈如  
今案下如此訊問正好伸訴如何反爲差役們隱瞞  
開脫至秦在顯黃在相是雇去挑行李呈子上原無  
二人名字因同在一家住歇故經刑部一同押解回  
來先前各鄉約爲打更收錢衆人都情願出錢後來  
我自充牌頭加增錢數交相好之文殿元王應訓晉

忠涵劉鳳向伊等收取衆人已都肯給我所以蓋房

忠涵劉鳳向伊等收取衆人已都肯給我所以蓋房  
立桿不過想飲些銀錢養活家口此外實無別有不  
法的事提訊駱元慶亦據將得銀寫呈及假捏情節  
之處一一供認並令當堂錄出呈稿核與原呈詞句  
相符其爲該犯所作無疑臣等恐尙有不實不盡反  
覆推究不特黃相武俯首無辭莫可置辯卽赴京同  
控文殿元之父文之權堅稱伊子所控差役抄搶勒  
索情事均屬虛誣亦毫不能爲之剖白衆供如一似  
無遁飾將黃相武擬絞監候請



旨卽行正法文殿元等擬以軍遣等因具 奏前來查律載強奪良家妻女姦佔爲妻妾絞監候又恐嚇取財計贓准竊盜論加一等又竊盜贓一百二十兩以上絞監候又准者罪止杖一百流三千里又例載兇惡棍徒生事行兇無故擾害良人者發寧古塔烏粒地方分別當差爲奴又代人捏寫狀告不實並全誣人人以上者發邊遠充軍各等語此案黃相武藉村鄉防賊爲名科斂漁利復契買隴繩祖山地指不給價已屬恃強滋事迨四川民女項氏隨父母至鎮維查

佃該犯胆敢嚇逼姦佔爲妻並將覓主售賣之楊二

佃該犯胆敢嚇逼姦佔爲妻並將覓主售賣之楊二  
妹強奪爲婢復挾差約首報緝拿之嫌捏砌焚搶勒  
索重情赴京控告希圖拖累尤屬淫惡狡詐黃相武  
除強奪楊二妹爲婢及赴京控告不實罪止軍流卽  
勒買山地不給契價計贓一百五十兩准竊盜計贓  
論亦罪止滿流係輕罪不議外應依將良家妻女姦  
佔爲妻妾律擬絞監候該犯始則強奪良家妻女爲  
妻爲婢繼則歛錢擾害鄉里又復挾嫌越控計圖反  
噬種種不法情同光棍應如該督等所奏將黃相武

請

旨卽行正法以昭炯戒該督等 奏稱文殿元王應訓晉  
忠涵劉鳳隨從黃相武欽索村衆錢文分肥入已實  
屬恃强滋擾均合依兇惡棍徒生事行兇無故擾害  
良人例發遣文殿元王應訓晉忠涵復同黃相武赴  
京捏控州役鄉約抄搶勒索希圖拖累情節較重應  
從重改發黑龍江兵丁爲奴劉鳳訊未隨同誣控應  
仍照例改發極邊烟瘴足四千里安置駱元慶得受  
黃相武銀兩代作詞狀捏情控告不實合依代人捏

寫狀告不實例發邊遠充軍但黃相武捏情赴京控  
訴悉由該犯唆令亦應從重改發黑龍江兵丁爲奴  
均照例分別刺字州差劉國相先與吏目差役周起  
年劉義拿獲黃相武中途疎脫按例應杖六十業經  
各該本官責處免其重科其續與差役左國政彭大  
升蔡廷選王應瑞鄉約黃登科蘇文華王登玉王元  
鳳張尙禮等奉票往拿黃相武因已聞風逃匿尙非  
疎縱今旣訊無抄搶勒索應與並未同行之州差楊  
登科鄉約彭子通均請免議中保文之權于黃相武

捐勒隴繩祖地價銀兩訊無串商扛幫情弊應與被  
逼出錢之隴甸業隴世長程翼遠余文元並同無干  
人証先行省釋黃相武所歛錢文于各該犯名下照  
追入官馬房林山地仍給還隴繩祖管業賣契塗銷  
項氏係黃相武用強姦佔並非聘娶之妻應照例給  
伊父項大領回另行擇配至楊二妹是否實係四川  
永寧縣民楊四之女業經鎮雄州備文關查應俟查  
傳的屬到案訊明給領等語均應如該督等所奏完  
結查文殿元等雖事犯在本年正月初一日

恩詔以前但係棍徒濟惡情罪較重應俱不准援減該督

恩詔以前但係棍徒濟惡情罪較重應俱不准援減該會  
等又稱滇省夷寨從前曾有村民立團自防名目其  
始本爲守禦盜賊繼而不法之徒漸至滋生事端又  
經檄行禁止今黃相武等復有歛錢立團之事應嚴  
飭各屬加意查察有犯立懲以絕根株等亦應所奏  
辦理該督等又稱鎮雄州知州穆克登額一聞黃相  
武立團歛錢卽時差拿究治並無縱容滋擾情事應  
毋庸議等語查該地方遇有此等滋事棍徒該員旣  
不能先事查禁及聞稟報又不能立卽拿獲以致該

犯等潛逃來京捏詞誣控未便因其訊無縱役擾民  
情事竟予免議應交吏部照例辦理乾隆五十五年  
二月十四日奉

旨黃相武着卽處絞餘依議欽此

赴京控案審係全虛從重卽發伊犁爲奴生監

赴京控案審係全虛從重卽發伊犁爲奴生監  
一體爲奴誣輕爲重仍加等治罪

乾隆五十六年正月十四日奉

上諭向來各省民人赴京呈控案件都察院止軍統領衙  
門不敢壅於上聞卽行據呈轉奏朕勤求民隱惟恐  
鄉曲小民含冤莫訴每遇來京具控之案無不特派  
大臣前往審辦其中申屈抑者固有而近日不安本  
分之徒見來京者控無不准准無不辦赴懇求理者  
遂覺接踵而來及欽差大臣提集案犯認真研鞫所



控情節多屬子虛不過挾嫌逞忿妄砌誣捏之誦冀  
遂其拖累之計卽被控之人訊明省釋而輾轉審解  
拘禁囹圄胥役等又復事生風從中嚇詐事雖得白  
而身家已破情形殊堪憐憫且欽派審案大臣經過  
地方徒勞驛靡費供支於沿途驛站亦恐不無擾累  
此等刁健訟棍各省多有而湖北湖南爲尤甚若不  
嚴加懲創則枉累無辜藉端傾陷之風伊于何底所  
有本日吉慶等奏到審擬湖南長沙縣保正王澤遠  
誣控勒買倉穀一案及富綱等奏到審擬貴州桐梓

縣民傳志榮誣恠傳志舜串通書役斃命搶奪一案  
俱着交刑部核覆時量行加軍定擬以示懲儆嗣後  
着各省督撫轉飭所屬剴切出示諭知小民等如果  
實有冤抑地方官不爲審理原不禁其赴京具控但  
若稍涉虛誣亦必加倍治罪務使家諭戶曉咸懷儆  
惕庶告訐刁風漸知斂戢而良善鄉氓免至株累亦  
整飭風俗人心之一端也欽此欽遵嗣後遇有赴京  
具控之案審係全虛拖累多人罪應從重改發烟瘴  
者卽發伊犁爲奴文武生監亦令一體爲奴其誣輕

爲重及輕事告實重事告虛者亦俱于本罪上加等  
治罪通行一體遵照可也

瘋癲叩

開審擬邊遠充軍奉

旨改發伊犁

爲奴

乾隆五十五年九月初九日奉

上諭秦承恩奏叩閭民人呂鳳翔所控安康縣私徵私鑄  
及余小一搶奪等款俱屬虛誣該犯詞語荒唐其爲  
瘋癲妄控毫無疑義擬發邊遠充軍等語呂鳳翔挾  
嫌誣告編砌多款甚屬狡詐未便因其素有瘋疾從  
輕辦理呂鳳翔着發往伊犁給與兵丁爲奴餘着照  
所擬完結欽此



主使僕婦誣告致死其夫屍遭蒸檢杖流加徒  
件作受賄捏報傷痕故入人罪杖流俱從重發  
黑龍江爲奴知縣亦發新疆

刑部奏據護東撫江 奏平康縣民吳府漢主使僕  
婦鄭王氏誣告張榮毆踢伊夫鄭禮身死并平原縣  
知縣王逢源任聽件作朦混捏報致屍遭蒸檢一案  
查律載誣告人死罪未決者杖一百流三千里加徒  
役三年又例載期親以上尊長誣告人命蒸檢卑幼  
身屍仍照誣告人死罪未決律治罪又敎唆扛帮告

人命重案不實俱問發近邊克軍又律載官司檢驗  
屍傷不實因而罪有增減者以失出入人罪論失入  
減三等件作受財故檢驗不實者以故出入人罪論  
又故入人罪囚未決放各聽減一等各等語此案吳  
府漢主令已故家奴鄭禮之妻王氏誣告張榮毆跌  
伊夫致死希圖詐錢勒令王氏出結求驗並賄囑作  
作擅報傷痕以致尸遭蒸檢應照誣告人死罪未決  
律杖一百流三千里加徒役三年件作韓範青受賄  
匿報傷痕應照受財故檢驗不實以故出入人罪論

因未決聽減一等律杖一百流三千里查吳府漢圃  
詐誣告人命以致屍遭蒸檢韓範青得賍捏報傷痕  
幾令無辜抵償俱屬情罪較重吳府漢韓範青均應  
如該護撫所 奏從重發往黑龍江給披甲人爲奴  
平原縣知縣王逢源于控告人命重案並不細心推  
鞠及經開驗復被件作朦混捏報屍傷未便僅照檢  
驗不實以失入人罪囚未決放例問擬杖徒王逢源  
應如該護撫所題從重發往軍臺効力贖罪該護撫  
奏稱郭蘭串同吳府漢扛幫誣告合依扛幫誣告人



命重情不實發近邊克軍例發近邊克軍屍妻鄭王氏誣告開檢夫屍究係聽從家主吳府漢主使逼勤所致應照期親卑幼誣告致蒸檢尊長之屍擬絞監候例爲從減一等應杖一百流三千里係婦人照例收贖鄭仁雖未出名具呈但聽從吳府漢傳信伴送伊嫂鄭王氏誣告致伊兄屍遭蒸檢亦難輕縱應與鄭王氏一律擬杖一百流三千里以上各犯到配均折責四十板安置韓範青所得贓銀照追入官逸犯宋錦緝獲另結等語均應如該撫所題完結乾隆五

十七年二月初三日奉

旨依議欽此



舉人教唆詞訟希圖訛詐咆哮公堂從重發新  
疆充當苦差

刑部奏議覆大學士公阿 奏審滋州已革舉人鍾  
應恂拉幫詞訟咆哮公堂革職署吏目沈封忱違例  
擅受分別擬罪一摺奉

硃批該部議奏欽此查此案已革舉人鍾應恂身列賢書  
素不安分今干劉茂喜被當縣邢懷棟毆打細故輒  
起意藉端訛詐未遂隨教唆劉王氏捏增毆折肢體  
情節代爲作呈具訴已屬行同劣棍又向屬吏目沈

封忱斷令當舖出錢完案因該吏日不允遂砌款誣  
控迨該州當堂集訊查問劉王氏作呈之人該犯不  
待傳喚直上公堂攔阻問官大肆咆哮如此日無官  
長有心把持公事貌法已極鍾應恂除教唆詞訟詈  
罵本屬官長及誣告各輕罪不議外應如大學士公  
阿等所奏合依積慣訟棍播弄鄉愚恐嚇取財一  
經審實卽依棍徒生事擾害問發烟瘴充軍例從重  
改發新疆充當苦差以示懲儆又奏稱劉茂喜訊  
非有心調戲邢懷棟起衅鍾應恂代作訴呈捏增重

傷情節該犯並不知情但既經王元統給錢養傷復  
思訛詐不已應照不應重律杖八十折責三十板加  
枷號一個月邢懷棟用錢板毆傷劉茂喜頂心偏左  
應照以他物毆人成傷律笞四十折責十五板劉茂  
才王小棒捶訊無幫同助勢情事但明知劉茂喜傷  
已平復不行勸阻聽囑抬送亦有不合劉茂才王小  
棒捶均應照不應輕律笞四十折責十五板已革府  
經歷署磁州吏目沈封忱被控各款均經審係虛誣  
其接受當商王元統呈詞不卽日詳堂研訊委無心

存婪索及事後辭謝情事自應以壇受科斷業經革職應毋庸議劉王氏已罪坐其夫王元統給與劉茂喜養傷錢文尙無不合應與韓成章等及無干人証概予省釋等語應如所奏完結再奏稱失察吏目擅受上司職名臣劉查取送部等語應俟

命下移咨吏部照例辦理乾隆五十四年閏五月十二日奉

旨依議

婦女與人通姦父母羞忿自盡無論在室已嫁  
俱擬絞決

乾隆五十五年十二月初二日奉准

刑部咨本部會看得永城縣陳張氏與王傑通姦被  
拐致伊父張起羞忿自縊身死一案據河南撫穆

疏稱緣張氏嫁與陳雪爲妻其父張起相依度日乾  
隆五十四年三月間陳雪出外傭工張起與王傑合  
夥宰猪生理王傑旋與張氏姦好張起等均不知情  
十一月間王傑與張氏說笑不避張起窺破姦情隨



將王傑趁走不容上門王傑戀姦情熱起意拐逃知  
素好之張三亦與張起時相往來張氏並不避忌即  
央其與張氏約會張三允從五十五年三月間張三  
前往張起家適張起與陳雪均各外出亦與張氏調  
戲成姦並將王傑欲會同逃之言向告張氏依允約  
定二十八日夜在後門等候至期王傑領同張氏逃  
走詎張起追捕未獲羞忿莫釋於三十日自縊殞命  
報驗緝獲王傑等訊詳飭審茲據審擬招解研訊俱  
各供認不諱查張陳氏與王傑通姦伊父張起並未

縱容後因張氏被拐羞忿投繯實屬因姦所致陳張氏除通姦被誘輕罪不議外依例擬絞監候王傑等擬以軍徒具題前來應如該撫所題陳張氏合依婦女與人通姦父母並未縱容因而羞忿自盡者將姦婦擬絞監候例擬絞監候秋後處決該撫既稱王傑合依和誘知情爲首發遣例應改發極近四千里克當苦差至配所杖一百折責四十板安置照例刺烟瘡改發字樣張三與張起同姓不宗除與張氏通姦輕罪不議外合依和誘知情爲從滿徒例杖一百徒

三年遞籍定地克徒至配所折責四十板王傑等逃  
後訊無行兇爲匪及知情容留之人陳雪不知伊妻  
犯姦情事均毋庸議屍棺飭屬領埋陳張氏姦生之  
女責付王傑家屬收養等語均應如該撫所題完結  
乾隆五十六年三月十七日奉

旨陳張氏與王傑通姦致伊父張起羞忿自盡該撫因係  
已嫁之女問擬絞候刑部亦照議核覆固屬照例辦  
理但張起之死由於伊女陳張氏與人通姦所致與  
子孫因姦盜致祖父母父母憂忿自盡者情罪相同

自應一律問擬絞決夫服制已嫁未嫁分輕重尚可  
若一關父母之生死則不可如尋常罪犯照出嫁降  
服之例稍從輕減也且明刑所以弼教父母天倫不  
得因已未出嫁遂有區別設使已嫁之女致死父母  
豈可免其凌遲概從寬典耶嗣後婦女與人通姦致  
父母羞忿自盡者無論已嫁在室之女俱着問擬絞  
立決交刑部纂入例冊所有陳張氏一犯卽着照此  
辦理餘依議欽此

[illegible]

衙役起贓逼斃六命奉旨改爲立決知縣革

職不足蔽辜著革職拿問

直督劉 奏據兩司審詳青縣快役趙國棟等赴高  
主陳三家起贓無獲逞兇擄毀什物用言恐嚇致陳  
三之妻劉氏等畏累帶同子女一并投井淹斃六命  
一案現經臣提犯驗訊按律從重定擬另摺具奏所  
有青縣知縣吳巘失察衙役逼斃六命之處因協緝  
鄰封滄州事主殷玉田被劫銀九百餘兩一案拿獲  
霍進福供出陳三訊據供認有盜犯小馮等七八人

至伊家磨棚內分贓給伊弟陳六飯銀二塊約重二兩餘錢將腰刀繩鞭等物留在伊家併算以贓衣抵作飯錢屬實當卽差役將陳六拿獲併查起各贓均與所供相符因詰訊陳三旣容留分贓斷無僅分給銀二兩餘錢之理先據陳三供現分元寶一個藏於家內該縣吳嶽卽札委興濟鎮巡檢張觀光等飛往查起旋又詰據陳三供稱元寶埋於東屋櫃下該縣復差快役趙危等往搜其時張觀光等至陳三家內查無贓銀先已回署隨後差役趙危等踵至復在東

屋櫃下搜尋仍無贓銀所帶之散役趙國棟因搜銀  
無獲天寒路遠向陳劉氏等索討茶飯未給卽捧碗  
砸鍋並以贓銀未起必至送官訊究之言恐嚇以致  
陳三之妻劉氏陳六之妻李氏等被吵不甘又恐到  
官受累氣忿輕生雖該縣吳獻奎關協緝訪獲鄰境  
寓主差起贓銀原係急於辦公並非無故差擾然差  
役趙國棟等胆敢逞兇嚇逼致斃六命皆因該縣平  
日不能約束僉差又不詳慎所致咎實難辭雖幼子  
幼女係由於陳劉氏等帶領投井但淹斃共有六命



實非尋常失察釀命之案可比現據天津守李紹元  
天津道玉成按察使託 布政使梁 關揭請叅前  
來相應專摺叅奏請

旨將青縣知縣吳巘革職以重民命除委員前往摘印署  
理查明該員任內經手倉庫錢糧有無未清另報外  
謹繕摺具奏伏乞

皇上睿鑒乾隆五十二年五月十八日奉

上諭據劉峨叅奏青縣知縣吳巘於衙役趙國棟逼斃六  
命一案請將該縣吳巘革職並將衙役趙國棟問擬

斬候請趕本年秋審辦理等語所辦過寬已於摺內  
批示矣此案趙國棟主窩主陳三家起贓無贓胆敢  
逞兇摔毀什物用言恐嚇致陳三之妻劉氏陳六之  
妻李氏畏累帶領子女一併匿井淹斃六命之多兇  
暴已極該督僅將該犯擬以斬候殊屬輕縱至該縣  
吳巖因拿獲鄰境窩主差役起贓雖非無故差擾但  
失察衙役逞兇逼斃多命實非尋常失察釀命可比  
僅子革職亦不足蔽辜劉峨辦理此案失之過寬著  
傳旨嚴行申飭所有趙國棟一犯着改爲立決其青

縣知縣著革職拿問至案內各犯著交刑部從重改  
擬發落以示懲創摺併發欽此

典史短價買物差役催交相爭典史杖責後氣  
忿自盡典史比照蠹役嚇詐致斃人命不計賍  
數擬絞監候差役杖流知縣公出亦降二級調  
用

吏部題議得山東巡撫長 奏稱招遠縣典史王黎  
因短價勒買料豆並差役紀惠催交爭毆將保長盛  
入仕責交管押致盛入仕自縊身死等情當將該典  
史先行客部斥革究審並飭司將案內人証檄提來  
省委員嚴審定擬去後茲據署濟南府知府張方理

會同登州府知府聞嘉言審訊明確由司擬議詳解  
前來臣親加覆訊緣王臺籍隸浙江捐納吏目分發  
來東借補招遠縣典史該典史畜有騎馬一匹需用  
料豆向係發價赴集平買乾隆五十一年該縣豆收  
歉薄城內附近無豆糶賣十二月初間該典史知原  
產社一帶豆收頗豐酌發制錢四百文令衙役紀惠  
轉交該社保長盛入仕買豆四斗盛入仕因公進城  
紀惠即將錢交付買豆盛入仕承應收錢是月十一  
日買豆四升交與紀惠收存紀惠今其買齊一總送

交以後盛入仕進城兩次並未買交二十二日盛入仕進城與紀惠在街撞遇紀惠促其交豆盛入仕聲言發價不敷無力賠墊將來只可照錢買豆陸續送交紀惠責其前次不應允許出言詈罵盛入仕回詈紀惠拉其見官盛入仕不肯同行適有紀惠同班皂役李鳳孫榮起走至紀惠告知前情遂令帮拉李鳳孫榮起將盛入仕拉走行至鼓樓北首盛入仕坐地不走紀惠與孫榮起用力強拉李鳳站立盛入仕面前喝令立起說話不必撒賴盛入仕用脚將李鳳踢

倒並將鞋隻掉落李鳳爬起拾取鞋隻毆傷盛入仕  
左肋孫榮起將鞋拿獲會其穿好盛入仕混罵不休  
李鳳拾取地上磚塊連毆其右臂膊三下盛入仕合  
面撲地自行碰傷額顱左眉叢左腮腴並擦傷左右  
膝紀惠等同將盛入仕拉進衙門紀惠以盛入仕催  
豆不依爭扭並與李鳳等毆打及自行碰傷徹賴等  
語向典史面稟該典史卽令盛入仕至二堂回話盛  
入仕用右手扳住屏門互相拉爭致將屏門上站板  
匾額扳落該典史因其無狀卽飭皂役魏從征杖責

十五板押令將屏門修好釋放盛入仕梅恨交加乘  
押役睡熟卽于是夜在班房殺繯殞命時值該縣知  
縣傳熹因公在省經萊陽縣知縣杜堉驗訊通詳咨  
部斥革委員究審據該典史將發價買豆遲延未交  
並紀惠等催交爭毆稟明該典史將盛入仕責處管  
押以致盛入仕氣忿自盡各情由供認不諱嚴加究  
詰委係一時貪小酌發價值令其承買繼因交豆遲  
延與衙役爭毆喚令回話復撒賴無禮扳倒屏門將  
其責處管押以致自盡實非挾仇故勘矢口不移似



無遁飾將典史王鑒應請比照臺役嚇詐致斃人命  
不論贓數多寡擬絞監候例擬絞監候皂役紀惠李  
均應照詐贓斃命爲從例杖一百流三千里孫榮  
起杖八十再枷號兩個月滿日折責三十板革役招  
遠縣知縣傳熹于該典史派買料豆之時雖經赴省  
公出但失于查報咎亦難辭將職名開叅聽候部議  
該管府道業經揭叅應請免議所有承審定擬緣由  
恭摺具奏奉

硃批行在大學士會同法司核擬速奏外其此除史

王璠等擬罪之處業經

行在大學士會同法司核擬具奏外查此案該典史王  
鋆短發價值派買料豆以致皂役紀惠等藉差滋事  
釀成命案知縣傅嘉雖據該撫聲稱於典史派買料  
豆之時因公赴省但其平日失於查察應行議處應  
將招遠縣知縣傅嘉照失於覺察降二級調用例降  
二級調用有加一級應銷去加一級抵降一級仍降  
一級調用至該管道府於屬員短價派買不得於已  
經斃命之後以揭報爲詞聲請邀免應令該撫查取

職名咨送臣部查議乾隆五十二年十月十一日奉  
旨依議其因失察典史派買料豆致釀人命議以降調之  
傅熹着該撫出具考語送部引見再降諭旨欽此

佐領解犯得兵丁錢聽兵落后致犯脫逃匪未  
滿貫照滿貫擬絞請卽正法奉 旨改監候

大學士和 奏據吉林副都統索 參 奏佐領彰  
保押解遣犯得受護送兵丁等錢文任意落後以致  
王永泰中途脫逃請將該佐領革職嚴審定擬具  
奏一摺奉

硃批行在軍機大臣會同法司核擬速奏欽此該臣等會  
議得據吉林副都統索 奏稱昨將軍恒 到京

陛見起程時札付奴才伊行至白都納驛站地方查出遣

犯王永泰携帶犯事原案印文脫逃一案伊隨飭署  
白都納印務協領王什保將押解之佐領彰保并護  
送兵役解送吉林逃犯派員嚴行緝拿務獲俟彰保  
等到時嚴審務得確情從重定擬具 奏等因起程  
去後奴才隨將逃逸王永泰飭令吉林所屬地方并  
蒙古扎薩克該犯原籍一體查拿外茲于二月十一  
日彰保等解到吉林隨行嚴訊彰保係白都納正白  
旗蒙古旗下佐領奉派帶領兵役索莫爾煥等解送  
發往黑龍江李齊發等九犯索莫爾煥等懇求彰保

文脫逃實屬藐法已極雖其所受匪徒未及勘收且

情願給伊盤費以圖落後每名給彰保錢一千六百文只剩兵役一名跟犯彰保又派伊跟役披甲一名跟同七犯前行適李齊發腰痛與王永泰共乘馬車彰保跟隨行走有二十里至蒙古屯地方烤火王永泰與李齊發先走彰保落後騎馬追趕遇見李齊發說王永泰走出屯外因車沉重李齊發下來王永泰卽打馬緊急走遠將車棄擲攜帶隨行印文一角脫逃彰保隨將各犯解到黑龍江將王永泰逃走情由呈明奴才詳查彰保係管解官員得受護送兵役錢

文落後多名伊又中途落後任聽王永泰李齊發先行以致王永泰攜帶隨行原案印文逃走實屬可惡難保無受賄故縱情弊請將彰保革職同護送兵役一體審明從重定擬另行具奏等語查律載官吏受賄枉法贓八十兩絞等語今佐領彰保奉派押解發遣重犯理應督率護解兵役不使一名遺落于中途小心跟隨乃聽派出護送兵丁十七名每人各給錢一千六百文縱令兵役落後又于途間並不跟隨同行任聽該犯前行以致王永泰乘間攜帶原案印

左領解犯得兵丁錢聽兵答言致犯脫逃匪未

文脫逃實屬藐法已極雖其所受贓錢未及滿數但似此貪污卑賤若不從嚴辦理不足以示懲儆自應從重依全贓律擬絞請

旨卽行正法所得贓錢照追入官護解兵丁十名輒敢賄囑督解官員任意落後核其情罪雖與彰保有間亦屬藐法未便輕縱應交該將軍將該兵丁等嚴審另擬具奏逸犯王永泰仍令該將軍派委幹練員弁嚴緝務獲另行辦理所有臣等會同辦理緣由可否之處恭候



指示遵照辦理乾隆五十四年三月二十日奉

旨彰保著從寬改爲應絞監候秋後處決餘依議欽此

守備受賄扳補兵丁并得錢包差擬絞請

守備受賄拔補兵丁并得錢包差擬絞請

旨正法

刑部奏據閩督伍 奏謹詔安營守備千總楊雲龍  
受賄拔補兵丁并得錢包差復與監生沈狂聚飲宿  
娼審擬治罪一摺奉

硃批該部核擬速奏欽此查律載枉法贓八十兩絞監候  
又例載說事過錢計所與之贓與受財人同科各等  
語此案除叅車遊擊吳秀已于取供後在監病故不  
議外已革護守備事千總楊雲龍得受拔克兵丁番

銀一百十六元并得包差錢七千五百文共折實紋銀八十兩五錢零楊雲龍合依枉法贓八十兩絞監候律擬絞監候但閩省營伍廢弛現當清理積弊之時該犯胆敢于援補兵丁營私勒索復得受包差錢文并與監生交結宿娼藐法已極未便稍稽顯戮應如該督等所奏楊雲龍應請

旨卽行正法以昭炯戒字識陳洪過付援兵番銀一百一十六元折實銀七十三兩目兵陳士明過付包差錢七千五百文折實紋銀七兩五錢事關營弊該犯等

販收說合賄求情殊可惡未便僅照說事過錢計所

輒敢說合賄求情殊可惡未便僅照說事過錢計所  
與之賍本例問擬杖徒致滋輕縱陳洪陳士明亦應  
如該督所奏均從重發往黑龍江給與兵丁爲奴  
該督等奏稱兵丁江日林傅生陳生郭士芳林振  
先等十四犯聽從出錢卽屬行求兵丁陳明溪陳士  
英許用武等五犯行賄免差均屬不法僅照本律計  
賍問擬不足蔽辜江日升等十九犯均應于楊云龍  
絞罪上減一等杖一百流三千里革監沈狂卽沈維  
翰以本地衿棍交結營員聚飲宿娼實非安分之徒

不便客留內地應請發在新疆克當苦差娼妓曾阿  
妹飭縣查拘照律究治楊云龍所得贓銀照追八官  
遊擊吳秀係帶病進監身故訊明刑禁人等並無別  
情應免置議等語均應如該督等所奏完結再該督  
等奏稱吳秀係帶病進監監斃職名應予免開失察  
土娼職名查明另叅等語恭候

命下之日臣部移咨吏兵二部照例分別查辦臣等謹會  
同院寺合詞恭摺具 奏爲此奏  
聞伏乞

皇上聖明睿鑒謹奏奉

旨楊云龍着卽處絞餘依議欽此

守節得受俞度  
無是昏眼小縫  
支央說事過處

守備得受偷渡船隻番銀外擬絞決說事過錢  
營書爲奴奉 旨改爲斬決絞決

乾隆五十四年八月初七日奉

旨奎林等奏擬署笨港守備李文彩得受偷越船隻番銀  
一案將李文彩依枉法贓八十兩絞候例問擬絞決  
其經手收贓之胥吏方升依說事過錢與正犯同罪  
至死減一等例問擬杖流發往伊犁給兵丁爲奴等  
因一摺所議失之輕縱臺灣甫經大加懲創痛革積  
弊之時乃守備李文彩于偷越船隻到港復敢得贓



縱放實屬藐法已極而李文彩之得受錢文係方升  
說合是方升爲此案罪魁李文彩之死皆由該犯慫  
患所致若因其賍未滿數僅發伊犁豈足蔽辜況此  
而不從重辦理將未該處官吏無所忌憚勢必日久  
因循又釀成柴大紀貪黷之案殊非整飭官方綏靖  
海疆之道李文彩竟應改爲斬決方升亦應改爲絞  
決以示懲儆所有奎林等定擬之摺着軍機大臣會  
同行在法司速議具奏欽此臣等會議得該守備李  
文彩于乾隆五十三年八月初一日到汛十一月內

有蚶江船二隻掛號往鹿仔港貿易收入笨港有文  
汛口胥方升同兵丁劉世榮林耀春向每船各索番  
銀二十四員親交該守備李文彩並言如武汛不拿  
縣丞衙門離港口四五十里不能得知卽無妨碍等  
語李文彩應允收銀縱放又于本年二月內有同安  
縣船隻來港方升劉世榮林耀春王有生收取船戶  
番銀四十二元轉交李文彩收受又于四月十一二  
等日有內地船兩隻來港方升劉世榮林耀春又收  
取船戶番銀九十元轉交李文彩收受李文彩將銀

六元分給方升劉世榮林耀春各二元又澎湖入港  
船四隻李文彩每隻收銀二元共銀八元連前李文  
彩入已共銀一百八十二元口胥方升另向內地入  
港船戶每船索取番銀十四元共船五隻計索取番  
銀七十元又得過李文彩謝禮銀二元內經縣丞管  
口家丁胡貴查知方升爲武汛收取偷越船隻番銀  
並又私得船戶規禮嚇以欲回本官方升分給胡貴  
銀七元外方升共計入已番銀六十五元至兵丁劉  
世榮林耀春二人名受李文彩分給番銀二元王有

生並無分給以上全案情節臣等逐一提訊各據供  
明不諱臣等以該守備李文彩上年八月初一日到  
汛至本年五月初一日飭調來郡所有偷越船隻不  
僅此數其所得番銀亦恐不止此數應行嚴詰據供  
在汛雖有九月實在內地止有五船來港澎湖止有  
四船來港八已番銀實止有一百八十二元是實再  
三嚴詰加以刑嚇堅供不移復提口胥方升及兵丁  
劉世榮等究問與李文彩所供無異臣等隨提鹽昌  
曾嚴訊據供我于上年十一月內奉委署事二十二

日到任因衙相離海口有四五十里現又奉委在外  
查封叛產未能到口實不曉得口胥方升替李文彩  
收取偷越船隻番銀方升得受洋船規禮家丁胡貴  
又分取方升番銀的事本年閏五月內接奉札飭我  
卽親赴港口嚴查就弔方升胡貴責打究問方纔曉  
得方升有代武汛索錢胡貴又有分錢之事我立時  
將方升胡貴稟解總是我失察情弊是實復提口書  
方升夾問據供我替李守備收取番銀原圖李守備  
分給番銀與我又圖藉勢多訛船戶幾元八已本官

衙門離海口四五十里想來未必得知這是我作弊  
焉敢告訴本官又夾訊家丁胡貴據供我查知方升  
向船戶索錢我就要稟知主人方升隨拿七元銀錢  
給我我就依了所以前日主人到口時不曾稟知查  
問我原不肯說主人當將我責打我纔說了是實輾  
轉窮詰矢供如一將李文彩依枉法贓八十兩律擬  
絞從重立決方升依說事過錢與受財同科律照名  
例減等擬流從重發伊等爲奴胡貴劉世榮林耀春  
擬徒王有生擬杖枷號等因具 奏前來查此案李

文彩身爲守備專防海口重汛自當欽奉

諭旨嚴查偷渡痛革積弊之時乃于偷渡船隻到港胆敢  
聽從口胥方升說合得受賍銀縱放出口實屬藐法  
已極若該處官吏轉相效尤無所忌憚勢必日久又  
復因循釀成重案自應嚴行懲創以儆其餘該總兵  
等仍依尋常枉法賍八十兩例擬絞殊非整飭海疆  
之道李文彩應遵

旨卽改爲斬決以爲臺灣綠營將弁得賍髡法者戒方升  
係在官人受明知嚴拿急懲乃敢于立法之初從寬

李文彩得受賍銀縱放船隻實屬目無法紀爲此案罪魁擬以發往伊犁爲奴殊屬輕縱方升亦應遵

旨改爲擬絞立決以示懲儆至該總兵等奏稱家丁胡

貴得受番銀七元折實紋銀四兩二錢二分該丁在

口稽查船隻既知方升串同武汛得賍並不稟知本

官究治輒敢分銀朦蔽僅依枉法誣擬杖不足蔽辜

亦干方升遣罪上減一等杖一百徒三年兵丁劉世

榮林耀春聽從李文彩串同口胥收銀轉繳縱放私

船雖得受李文彩給銀止有二元未便計賍僅擬杖



賁劉世榮林耀春亦應干方升遣罪上減一等杖一百徒三年均到配折責發落兵丁王有生雖未經李文彬分給銀錢但面同交駐應杖一百再加枷號兩個月滿日折責遞籍不許再行入伍仍干各犯名丁照追所得番銀入官等語均應如該總兵所 奏完結該總兵等又 奏稱該縣丞陸昌曾責司稽查海口雖衙署離海口寫遠訊無知情分贓情事但干口胥串通武汛受贓縱放私船家丁從中分取贓銀該縣丞陸昌曾平日毫無覺察實屬無能應請斥革此

案李文彬得受贓銀已據水師副將孫全謀一有訪

案李文彩得受贓銀已據水師副將孫全謀一有訪聞先行稟報應請免議該管失察之右營遊擊職名開送督撫咨察等語恭候

命下移咨吏兵二部照例辦理乾隆五十四年八月二十五日奉

旨李文彩着卽處斬方升着卽處絞餘依議欽此



絞犯減流雇人頂替到配知情書差一併擬絞  
請卽正法縣發新疆効力贖罪

閩督李 奏切照同安縣流犯呂辰賄囑郭大頂替  
到配一案前准廣西撫臣孫 來咨訊係在龍溪縣  
馬口站地方給銀頂替經臣等將署龍溪縣知縣甯  
淑昌叅奏革職遵

旨解交刑部治罪嗣據同安縣知縣單瑞龍將呂辰拿獲  
解勘究出係呂辰之母王氏賄囑郭大及書役人等  
預爲商定行至龍溪馬口站頂換前進等情復將同

安縣單瑞龍叅革並提集解役兵丁人等一并審明  
從重定擬另行具奏旋奉

硃批是欽此茲據署藩司興泉永道萬 督同前任泉州  
府知府王右弼署邵武府同知李浚源審擬解勘前  
來臣等卽親提各犯復奉同司道等逐加研鞫緣呂  
辰籍隸同安乾隆四十七年間因聞毆致死柯亮審  
擬絞候在監與提年許誠更夫郭大熟識後郭大輿  
情被逐五十二年八月呂辰部議減流知照發配廣  
西其母王氏聞知到監探視呂辰憶及許誠郭大均

係相好起意用銀賄囑郭大頂替當囑其母向尋許誠郭大商量王氏卽令呂辰之兄呂商找尋許誠郭大到家商議經許誠說合議給郭大洋錢二百圓約俟呂辰起解時代背包裹路上頂替赴配便可潛藏郭大應允兩次給付郭大洋錢一百圓又給許誠洋錢四十圓隨到監通知呂辰九月二十二日起解該縣單瑞龍差郭誠許恩并移營撥兵未到該役郭誠及伊母王氏並郭大三人近縣僻處等候呂辰隨向郭誠許恩商懇頂替情事郭誠等不允卽欲稟官呂

辰哀求各送給洋錢二十圓旋即寢息營兵繼至卽  
一同點解起身郭大代背包裹同行二十四日解交  
龍溪縣接遞郭誠取到回照銷差二十五日龍溪縣  
寧淑昌差役許榮林貴移營撥兵黃大興黃元護解  
兵丁黃大興因病未去出錢五十文幫貼黃元協同  
縣役解至馬口站莫速地方天色已晚投宿飯店呂  
辰備酒邀兵役同飲向求頂替許送縣役洋錢二十  
五圓營兵十五圓該兵役等依允呂辰將赭衣刑具  
脫給郭大穿帶在衣包內取出洋錢找清郭大一百

圓分給許榮林貴各二十五圓兵丁黃元十五圓呂  
辰旋卽乘閒逃回二十六日早兵役卽將郭大接解  
赴漳浦縣時值該縣在雲霄辦理兵差典史代僉縣  
役林庇胡玉並移營撥兵林太山徐直生護解時兵  
丁未到胡玉回家借取盤費該差林庇見郭大頭髮  
不長向其盤問郭太回稱秋審後剃過一次故不甚  
長該役聲言必得告訴頭役知道郭大惧被盤出實  
情當送洋錢二圓林庇亦卽不問追兵役踵至轉解  
詔安沿途各縣均未查出嗣經廣西貴縣查驗箕斗



不符年貌不合究出頂替情弊經巡撫臣孫 將郭  
大解閩並據同安縣單瑞龍卽將呂辰拿獲到案提  
集各犯嚴審各供前情不諱似無遁飾查例載以財  
行求與受同科有枉者以枉法論枉法贓一兩至五  
兩杖八十每五兩加一等無祿人至一百二十兩絞  
監候又說事過錢之人與受財人同科又例載押解  
人犯故縱者與囚同罪受財者計贓以枉法論從重  
論又例載兵役押解軍流等犯託故潛回致有疎脫  
者減囚罪二等問擬又書役犯贓加一等治罪等語

此案流犯呂辰用洋錢二百圓賄囑郭大中途頂替脫逃計贓已在一百二十兩以上應與受財頂替之郭大均請照無祿人枉法贓至一百二十兩絞監候例應擬絞監候但查呂辰係聞毆殺人擬絞監候之犯秋審三次緩決免死減流乃猶不知畏法不肯赴配胆敢賄買頂替郭大曾克縣監更夫得賄頂受到配實屬不法均應請

旨卽行正法以昭炯戒同安縣提軍書辦許誠敢代呂辰預謀頂替說事過錢應與受財人同科解役郭誠許

恩既知呂辰有商謀頂替情事不卽稟官輒敢私受  
洋錢情同故縱龍溪縣解役許榮林貴兵丁黃元按  
遁免死人犯胆敢在途受賄故縱厥罪維均許誠郭  
誠許恩許榮林貴黃元六犯均請照呂辰郭大現擬  
絞罪一律科斷應擬絞監候俱係在官人役胆敢得  
賍縱犯實屬目無法紀亦應請

旨卽行正法以示懲創兵丁黃大興雖訊無知請得賍情  
弊但接遞流犯托病不往應照押解流犯託故潛回  
致有疎縱減因罪二等例杖九十徒二年半到配折

責發落漳浦縣差役林庇訊無知情故縱情事但因  
盤詰私得郭大賍銀二圓卽不再問亦屬不合若計  
賍科罪一杖不足蔽辜應請加枷號兩個月滿日重  
責四十板革役同安縣禁卒康志雖無知情得賍但  
監禁重地任聽王氏到監與呂辰商量頂替殊屬不  
合請照不應重律杖八十折責三十板已于取供後  
管押病故應毋庸議仍于各該犯名下照追所得賍  
銀入官呂辰之母王氏已經身故呂辰之兄呂商亦  
未預謀應與訊無知情得賍之刑書更夫兵役人等

均毋庸置議僉差不愼之龍溪縣知縣甯淑昌現已革職解部治罪其同安縣知縣單瑞龍于監獄書役平日既不能防範約束起解呂辰臨時又未稽察嚴審致書辦許誠更夫郭大預謀賄頂赴配解役郭誠許恩既知呂辰賄求頂替情弊又復藐視得賍代爲容隱該縣身爲縣令全無覺察雖該犯呂辰係該縣親往拿獲解究但其昏庸怠惰之罪實所難辭未便僅予革職致滋輕縱應將叅革同安縣知縣單瑞龍發往新疆効力贖罪其僉撥營兵之武弁并閩省經

過地方官失察匪解人犯不能查出其十年後不

過地方官失察遞解人犯不能查出其斗年貌不符  
率行轉解暨失察之咎該上司職名另行查叅其自  
閩省至廣西沿途失察地方官行文各省查叅此案  
緣奉

諭旨速行定擬是以臣等由四百里驛恭摺具奏爲此奏  
聞伏乞

皇上聖明睿鑒

勅部議覆施行乾隆五十三年七月初一日奉

硃批軍機大臣會同行在法司核擬速奏欽此



外委以訪逸犯爲名赴村搜查索詐外擬克發  
奏 改爲絞決

乾隆五十三年七月二十二日

上諭李侍堯奏雲霄營分防外委許奕所因向兵丁等閒  
談以張媽求案內逸犯現奉飭拿若藉查防爲由或  
可得錢添補衣帽鞍馬適兵丁張淋素知村民林潭  
家道尚殷懇懇前往查拿該外委卽帶同林衆并兵  
丁林楚前赴林潭家內喝查逸犯並進屋搜查輒指  
稱鉄叉係應禁軍器須連解究張淋遂從中說合林



譚許送洋錢四員許奕所嫌少卽令鎖拿林潭跑出  
喊救當有村民林井等聞聲趨勸各自散回林潭被  
詐不甘聲言要赴上司衙門控告許奕所心懷畏懼  
遂以林潭私藏逸犯查拿拒捕等情捏稟經該管遊  
擊查出該外委索詐擾累緣由通稟解審屬實將許  
奕所照誣告人死罪未決律擬流再從重發往伊犁  
給官兵爲奴等語李侍堯辦理此案失之寬縱漳州  
府屬民情刁悍上年因匪徒械鬥聚衆滋事甫經大  
加懲創之後百姓稍安餘跡畏法許奕所身當外委

乃輒敢以查訪逸犯爲名擅赴村民家內搜查索詐  
錢文殊屬目無法紀設因而別滋事端成何事體李  
侍堯僅將該犯撥發伊犁不足蔽辜自應卽行正法  
絞罪立予縲首方足以懲營伍而靖地方着傳諭李  
侍堯接奉此旨卽派員將該外委許奕圻鄉赴犯事  
地方傳集民人看視正法並諭以弁兵等藉端索詐  
擾累閭閻今已奉旨將該弁正法若軍民人等不知  
安分守法聚衆逞兇卽照此嚴辦如此詳細曉諭庶  
弁兵百姓皆知有犯必懲羣懷畏懼不致滋生事端

其兵丁張淋林楚胆敢迎合汛官隨同索擾自應從嚴定擬除將該二犯發往伊犁給官兵爲奴外林潭因被許奕所帶兵赴伊家搜索後聲言鎖拿跑出喊救該村民林并等趨勸散回弁兵等憑空詐索該村民等如果心懷不服亦當就近赴府懸呈控倘該府縣有袒庇情事亦准其赴督撫衙門控告何得私相趨勸安知非見許奕所等入屋搜人遂爾乘機搶犯毆兵李侍堯並不將此種情節嚴切根究詳晰聲敘亦屬疎漏李侍堯着傳諭由飭並着該督覆加提訊

亦屬政源之在現者何謂曰會正表諸管署力持言

如林井等止于勸解尚可免議若有拒捕奪犯情事  
自當治以應得之罪卽或未經別有滋事情弊究非  
安分亦當予以杖責俾知懲儆李侍堯摺并發欽此



知縣將珠當錢又川印票取看仍交回當舖照  
官吏求索所部財物從重克發伊犁

刑部奏據福撫徐 奏叅革署侯官縣知縣陳蕙將  
珠發交家人艾升稅書史超當錢使用復票差周茂  
將珠取回欲售史超等見當戶有難色串人捏稟出  
示當舖票要正字希圖需索審擬治罪一摺查律載  
官吏求索借貸所部內財物計贓准不枉法論不枉  
法贓通計折半科罪罪止杖一百流三千里又例載  
詐爲州縣文書誣騙財物者發近邊克軍各等語今

叅革知縣陳蕙將珠向所部內質當錢文旋因珠價  
盈餘欲圖售賣輒用印票取回又復輾轉取看雖仍  
將原珠還當但未付本利屢向取珠卽係挾制勒索  
自應計贓定擬此案當本計贓六百四十兩應照不  
枉法贓折半銀三百二十兩科罪陳蕙除失察家人  
書辦捏稟圖詐輕罪不議外應如該撫所 奏合依  
官吏求索所部內財物准不枉法論罪止杖一百流  
三千里律從重發往伊犁覓當苦差該撫 奏稱稅  
書吏超起意索詐詭名捏稟家人艾升通同舞弊狼

狼爲奸雖訊無得贓入手厥罪維均若僅照詐爲文  
書誑騙例擬軍不足蔽辜史超艾升應從重發往烏  
魯木齊等處給種地兵丁爲奴照例刺字民莊周茂  
奉票取珠係由本官差遣當戶薛德豐王永興等將  
本覓利究無交結官長情事均免置議等語均應如  
所奏完結乾隆五十四年六月二十一日奉

旨依議



旨諭

祖奏宗錄並制五十四年六月二十一日奉

本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉  
本復錄宗錄並制五十四年六月二十一日奉

擅造民人戶管田冊科歛使費入已計贓以枉  
法論從重發伊犁克當苦差

刑部奏據浙撫琅奏已革東陽縣知縣謝昕擅造  
戶管田冊藉端勒派錢文入已並生員胡含英抗狼  
毆差捏情上控分別審擬治罪一摺查例載因公科  
斂所屬財物入已者計贓以枉法論枉法贓各主者  
通算全科四十兩杖一百徒三年五十五兩杖一百  
流三千里各等語今叅革東陽縣知縣謝昕于民間  
久定推收章程輒因士民呈請清釐擅造戶管田冊

藉端科歛計圖肥已及經藩司批駁之後猶敢設局  
辦理公然收費實爲藐法可惡此案共收錢七十二  
千文雖據開銷紙筆飯食工費錢二十八千文實止  
八已錢四十四千但各業戶已繳之數係該員科歛  
所致未便僅就其八已之數按擬杖徒致滋輕縱應  
卽通算全科該叅令謝昕應如該撫所奏合依因公  
科歛所屬財物入已計贓以枉法論枉法贓五十五  
兩律杖一百流三千里從重發往伊犁克當苦差以  
爲官員藉端科歛者戒該撫奏稱庫書孔達三李

含一雖由本官使令承辦但因希圖開銷飯食費用  
聽從收費已有八已錢二十八千應卽予謝听道罪  
上減一等杖一百徒三年該叅令管門長隨李文訊  
無從中染指情事但其經手錢文不行稟阻亦有不  
合應照不應重律杖八十庄書韋錫達趙勝和李勝  
字盧升初雖奉行轉發並未經手收費但每本收錢  
四文人已均屬不合應各革役照不應重律杖八十  
折責三十板生員胡含英積年抗糧不納因縣差向  
催胆敢率弟逞兇將差役關閉院中細縛柱上喝令

毆打已屬目無法紀又擅控戶書胡名先指串架誣  
抗糧毆差等情反噬卽其因盧永焰控告該縣擅造  
戶管田冊一節該犯並未領買戶管出有費錢實因  
拒捕毆差聞拿畏避隨同盧永焰上控以圖避罪在  
貪官因應嚴懲而此等抗糧毆差之才民亦不便輕  
縱胡含英應請革去生員從重發往烏魯木齊等處  
充當苦差以儆刁風胡錫九聽從拒捕毆差應卽于  
胡含英遣罪上減一等杖一百徒三年吳紹漢等恐  
戶冊弊混呈請清釐原因地方公議起見迨後該叅

令謝昕藉端歛費並不知情訊無聽從主使及懲通  
之事應同被誣之戶書胡名先及奉差催糧之陳啟  
均請免議同時具控之盧永煥所指係戶管既已審  
實應毋庸議出錢未到之各業戶等已據署金華府  
知府就近訊明免其提質以省拖累謝昕所得入已  
費錢同庫書孔達三等所得飯食等項庄書韋錫達  
等所得買冊錢文照數追出入官克公胡合英名下  
未完錢糧仍令勒迫完納胡美三獲日另結帛到已  
印未印各冊概行銷燬該縣田地向由庄書推收過

戶相安已久應免其更張致滋紛擾仍飭令嚴查庄  
書等如有格外索費情事隨時懲治等語均應如該  
撫所 奏完結其逸犯胡美玉應令該撫飭緝務獲  
審結再該撫 奏稱金華府知府張思振雖訊  
無通同分肥有心徇縱情事但干屬員造冊清查地  
畝事屬紛擾既經布政使顧 批駁之後又據縣詳  
代稟而于該縣謝所借端殮費之事又始終毫無覺  
察實屬糊塗不職應請將解任金華府知府張思振  
請

請

旨革職以示懲儆等語恭候

命下之日移咨吏部辦理爲此奏

聞請

旨乾隆五十三年十一月二十八日奉

旨依議





書辦藉查山朦稟詐贖有犯從重發遣爲奴從  
犯克軍知縣革職

刑部奏據兩江總督書 等奏稱江西永豐縣書吏  
羅運泰等藉查山界婪索錢文舉人鍾琴得賄私和  
復聞拿呈首一案先經江督書 會摺參 奏一面  
飭委江西藩臬兩司提審旋准部咨奉

旨這所參署永豐縣知縣縣丞黃珩着革職鍾琴亦著革  
去舉人交該督等提同案內人証一併嚴審分則定  
擬具奏等因欽此茲據江西按察使額 署布政使

鹽法道陳 審擬招解前來臣書 因查辦恒寧捏  
報銷鹽引數一案奉

旨來西卽就近會同臣何 提集犯証逐加親訊緣黃珩  
係南城縣縣丞于乾隆五十三年二月內署永豐縣  
事到任後清查舊案民間多有遠年無契墳山界址  
不清互相爭奪訐訟不已示諭各業戶將所管山場  
呈報欲爲看明劃定界址造冊存案以杜訟端派令  
書辦羅運太蕭祥瑞徐元寶經理其事詎羅運太起  
意需索隨向黃珩囑索以業戶呈報到縣勘丈尚需

時日應先給印票執據以免臨勘冒混黃珩因所稟  
尚屬近理當卽允行嗣有業戶熊星聚等赴縣呈報  
羅運太卽商同蕭祥瑞徐允寧藉發給印票並以將  
來造冊爲詞向索紙筆之費熊星聚等各給錢二三  
百文不等共計發過印票五百四十八張內三百八  
十戶共得錢二百四十四千二百文其餘一百六十  
八戶或因不肯出錢或允俟勘丈時補送尚未得錢  
黃珩管門長隨楊明風聞羅運太等有需索錢文之  
事亦欲分肥聲稱卽欲回官羅運太等畏懼送給錢

四十千文楊明分給管理僉押之長隨陶義錢八千  
文餘俱入已遂爲隱瞞羅運太蕭祥瑞徐允寧各分  
得錢六千八千內有熊星聚陳所雲范林選陳廷彩  
胡子明宋繼志朱廷奏魏廷彩八人因聞別戶領票  
亦有不出錢者向羅運太索還不遂曾向鍾琴告知  
十月內鍾琴與監生聶緒職員丁廷尉各包攬花戶  
糧米赴倉代完漕書劉廷楫不允因而懷恨並有職  
員劉台泰運米赴倉完糧因色米不純被劉廷楫等  
勒令風篩潔淨以致折耗亦懷怨忿鍾琴卽起意約

同上控遂以漕書勒折並砌人浮收錢糧及羅運太等稽查山場勒索錢文各款向熊星聚携取印票八張爲憑並將蕭林蒼礮坊內賣米賬簿一本作爲折漕憑據先赴吉安府控准提訊旋又赴藩司衙門具控亦批府查究行提到縣羅運太等聞知因給票得錢屬實情畏審央令素識之貢生黃宗器民人解文玠向鍾琴懇求鍾琴以所控浮收錢糧本無確據復欲乘機嚇詐卽向聶緒等告知欲索銀一百兩方肯息事經黃宗器等說合議定送銀七五錢一百千文

當將元寶一錠元絲銀二十錠封存劉能俗店內言  
明俟鍾琴具詞求息之後付給至五十四年正月初  
二日鍾琴在府投遞息詞卽將封存銀兩收去嗣因  
鍾琴復欲建造許真人廟宇與聶緒劉台泰丁廷尉  
商議公同勸捐劉台泰已向王如松九戶勸捐錢十  
二千文餘人正在勸捐卽經該署縣黃珩訪聞查拿  
而鍾琴在府所遞息詞又經該府徐湘批飭不准行  
文催提解審鍾琴自知私建廟宇有違定例而又得  
受羅運太等銀兩以赴審隨將原銀携赴臣衙門

呈首委員訊明羅運太等勒索錢文屬實并審出鍾琴所繳賍銀實係先後吐錄供稟報當經會摺恭奏革審茲據江西臬司額 署藩司陳 迨出給發印

票據報并搜出羅運太等所立收錢賬簿究明得賍確數按擬招解前來臣等會同覆訊供與所審無異臣查該叅令黃珩若毫無染指何肯聽從羅運太之稟給與印票且羅運太婪索錢文至二百四十餘千長隨楊明等亦俱知情分賍何至黃珩全無知覺恐有授意勒索隨同分肥情事嚴加究詰加以刑嚇黃



珩堅不承認訊之羅運太僉稱各業戶呈報山場若不給予印票不能平空向其索錢是以捏出將來查勘時恐有冒混之語朦稟黃珩得以允准隨向業戶索得錢文被楊明風聞欲行回官故此送給錢四十千懇其隱瞞黃珩實無授意勒索通同分肥之事并稱黃珩現已奉革伊若曾經分賍該犯等正應供出以輕己罪何肯復爲隱匿等語其鍾琴所告浮收漕米錢糧之處不特經承劉廷楫堅供不承卽鍾琴亦自認挾忿忘控失實不能指出確據再三研鞫矢口

不移似無遁飾將羅運太擬發伊犁等處給兵丁爲  
奴萬祥瑞等擬以軍徒杖責等因具題前來查律  
載因公科歛財物入已者計贓以枉法論枉法贓五  
十兩杖一百流三千里又恐嚇取人財物者計贓准  
竊盜論加一等竊盜贓七十兩杖八十徒二年又例  
載衙門蠹役恐嚇索詐貧民者計贓六兩至十兩杖  
一百徒三年十兩以上者發近邊充軍又長隨求索  
嚇詐得財舞弊者照蠹役詐贓例治罪各等語又本  
年七月內臣部遵

旨酌議嗣後情重軍流入犯核其情節實係應行從重外  
遣者俱毋庸改發新疆卽分發吉林黑龍江均勻派  
撥所屬各地方分別爲奴當差等因 奏准通行在  
案此案羅運太因該叅員黃珩欲清查山界輒敢起  
意朦稟商同詐贓蕭祥瑞徐允寧隨同訛索擾累貧  
民各分得錢六十八千文均屬不法若僅照依因公  
科歛計贓罪止杖流不足示懲羅運太應如該督等  
所 奏從重發往伊犁等處給兵丁爲奴其聽從索  
詐之蕭祥瑞徐允寧二犯亦應如該督等所 奏從

重照蠹役詐贓十一兩以上例發近邊克軍至配所各  
折責四十板照例刺字該督等 奏稱長隨陶義分  
得錢八千文應照蠹役詐贓六兩至十兩例杖一百  
徒三年照例刺字鍾琴除誣告浮收漕米錢糧業已  
一事得實並私建廟宇未成輕罪不議外其索詐羅  
運太等銀七十餘兩業已入已後因歛錢建廟被縣  
查拿始行抱贓自首希圖挾制情殊狡詐鍾琴應照  
恐嚇取財准竊盜贓七十兩杖八十徒二年加一等  
杖九十徒二年半尋緒劉台泰丁廷尉雖尚未分得

贓銀但先因挾念商同控告後于鍾琴得贖議和亦向該犯等告知均應以爲從論減鍾琴罪一等各杖八十徒二年該犯等所捐職銜監生現在追照咨部斥革叅令黃珩訊無知情染指情事其失察書役家人婪贓業已革職應毋庸議長隨楊明得錢三十二千文例應擬軍業經病故查明屬實亦毋庸議貢生黃宗器民人解文煥聽從羅運太等囑托向鍾琴說和并劉能裕受寄贓銀均照不應重律杖八十黃宗器係貢生照例納贖免其斥革劉能裕解文煥各折

袁三十板漕書劉廷楫訓無浮收情弊請免置義羅  
運太等所得各業戶錢文照數追出與鍾琴呈首駐  
銀一併入官無干人等先行省釋等語均應如該督  
所奏完結此恭摺具奏伏祈

聖鑒乾隆五十四年十一月初四日奉

旨依議欽此



革役已雕假印訛詐鄉愚請

旨自正法

大學士和等奏據臺灣鎮

兵奎

奏拿獲臺灣

府革役林某夥同黃宗假造該府印票嚇詐平民

審擬治罪一摺奉

硃批軍機大臣議奏欽此該

全克當府役乾

隆五十二年四月分

月間該犯貧無聊

賴因曾學雕刻起

偽造差票赴鄉嚇詐

九月初間適

易等縣知事李効倡立



遊會名目糾人

今備及該庄張阿義

呂阿趨呂番高深

等家道殷實可以指

爲李効案內夥犯索

道與素識之黃宗

相商囑令繕寫該府牒

錢分給使用

黃宗應允卽繕假票一張

全收執于該府

告示上挖去信描下模樣自行刻成假印鈐蓋偽

票林益全名林益復尾檢與翁元告知假票索

詐情事令其跟同前往九月十三兩日至庄尋

見張阿義等將票給看此稱張阿義等俱係李

案

丙供夥差拿案縣非張文義番銀三十元呂阿  
趨番銀三十一元呂番番銀三十五元高深番銀二  
十五元劉學番銀二十八元以勇番銀三十四元  
共詐得番銀九十七元當經該府訪聞會營督  
勤拿獲嚴審供認不諱臣等查閱爲刻印文雖有大  
概規模并令該犯當堂面試雕刻無異復提林益全  
再三嚴詰從前有無冒刻別項印信詐騙銀錢此次  
雕刻有無再詐別據供從前並無雕刻印信詐過  
銀錢的事此次所詐止有張阿義門六人他們都是

鄉愚見了印票卽認爲眞其實未再詐他人銀錢加  
以刑嚇堅供不移。提黃宗詰問據供實止繕寫牌  
票並無同往索詐又提翁元詰訴堅供受雇同往並  
無分贓加以刑夾矢口無異將林益全依律擬斬監  
候從重立決黃宗等擬以杖流等因具奏前來查  
律載偽造印信誑騙財物爲數多者照律擬斬監候  
爲從杖一百流三千里等語。以林益全曾充府役  
胆敢起意雕刻假印執票妄拿嚇詐多贓實屬目無  
法紀應如該鎮道等所奏林益全合依偽造印信

詐騙財物爲數多者斬監候律應擬斬候該犯本係革役輒敢冒差假票威嚇平民曉之尋常索詐者情節尤爲可惡應從重改爲立決以昭炯戒該鎮道等奏稱黃宗知縣繕票聽從分賍翁元受雇知情同往卽屬爲從黃宗翁元均應依爲從律杖一百流三千里地保羅修武失于查察應照不應重律杖八十折責三十板林益全所詐番銀業經花用該犯並無親屬無從着追等語以應如所奏完結查黃宗等雖事犯在本年正月初一日

恩詔以前但係假印嚇詐情節較重均不准援減羅修武杖罪准其寬免再該鎮道等奏稱該犯在鄉索詐卽經該府督縣會營拿獲所有文武失察職名應請免開等語應如所請免其開叅爲此 奏

開伏乞

皇上聖鑒乾隆五十五年二月二十五日奉

旨林益全著卽庭斬餘依議欽此

劣幕主使作弊本官獲罪定案時卽與同罪

乾隆五十五年三月二十一日奉

上諭奎林等審擬李同致死陳浩兩員冒名頂兇一案已  
交軍機大臣會同行在法司速議具奏矣此案李同  
斃命買兇各情節業經該縣唐時勲審訊未定因審  
限已迫與幕友潘鴻緒商辦通報潘鴻緒起意改作  
尋常開毆從輕完結圖避處分該縣家人知此案改  
輕乘機詐騙兇犯李同番銀五百元是唐時勲之擅  
改重案情節幾至正兇漏網翁元之詐騙銀兩身罹

重辟皆由潘鴻緒改案所致今唐時勲已在臺灣枷號滿日發往新疆克當苦差而潘鴻緒係此案罪魁較唐時勲情節更重况其正法已屬從輕若照奎林所擬轉得以遞回原籍不足蔽辜且幕賓等平日高其身價既得修脯庸劣官員聽其愚弄陷于罪戾伊等轉置身事外實屬可惡潘鴻緒着照唐時勲之例一并發往新疆克當苦差以爲劣幕舞文者戒嗣後各省劣幕尚有似此主使作孽本官獲罪定案時卽苦與本官同罪不得稍從寬減著爲令欽此